

小高師高等學堂  
 圖書部  
 總冊號  
 二五七五  
 九門三  
 四〇三  
 部



臣王先謙撰集

陽成天皇

唐書日本傳次陽成

宋書日本傳次陽成天皇年代紀

日本史陽成天皇諱貞明清和第一子也母藤原高子號二條后右大臣基經妹以貞觀十年十二月十六日生於染殿院十一年立為皇太子十八年十一月壬寅受禪於染殿院歸御東宮以右大臣兼左近衛大將藤原基經攝政詔尊清和帝曰太上天皇是歲渤海朝貢

丁酉元慶元年日本史春正月乙亥即位於豐樂殿時年十歲詔尊母藤原氏為皇太夫人左大臣源融中納言兼右近衛大將藤

原良世並如故三月丁卯延一百餘僧於紫宸殿轉大般若經三日自是改貞觀四季例春秋修之夏四月庚辰造太極殿丁亥改

元大赦

成五元慶二年日本史春三月出羽俘夷叛討平之日本國志遺藤原保則討

平蝦夷渡島津輕皆降而保則無賞基經振之也秋九月關東諸國地大震相模武藏特

甚數日不止公私廬舍無一全者百姓多壓死地陷道路不通

己六元慶三年日本史春三月壬子地大震癸丑太皇太后崩甲

寅太上天皇設大齋會於清和院親王公卿悉會焉乙卯葬清和

皇后夏五月丁酉太上天皇落飾冬十月甲子太極殿成右大臣

基經上文德實錄庚辰詔曰朕以眇虛寄身臣佐蒼天可畏赤縣

猶賒乃者有司奏言今月朔旦冬至理誠宜賀思之又思兢兢而

已夫一陽之可以歡朕更增一日之慎履長之可以樂朕還切履

冰之憂苟曰休祥何為抑遏自元慶三年十一月二十五日昧爽

以前徒罪以下不論輕重咸從寬免常赦所不免及欠負官物之

類不在赦限其門蔭久絕才效先著特加榮賞以穆朝章内外文

武官主典以上敘爵一級在京正六位上諸吏及史生以下直丁

以上又天下高年者宜量賜物欲俾彼出罪科者目見震雷之能

作解縻好爵者耳聞陰鶴之不吞聲其賜級賜物之徒所司明加

實覈

庚廣明元慶四年日本史冬十二月癸未以右大臣藤原基經為

子元太政大臣攝政如故太上天皇崩於圓覺寺地大震甲申天皇遷

居常靈殿遺詔停素服舉哀赦禁宴飲作樂及著美服丙戌葬

清和

辛中和元慶五年日本史冬十月己丑禁男女著茜紅花交染支

子色勅獎學院

壬寅元慶六年日本史春正月乙巳天皇加元服庚戌尊皇太后  
藤原氏為太皇太后皇太夫人藤原氏為皇太后冬十一月渤海  
入貢

癸卯元慶七年日本史冬十二月丁巳敕諸國禁非受業人任當  
國博士醫師及郡司私相讓職

甲辰元慶八年日本史春二月乙未天皇遜位於二條院文武官  
僚扈從即日宣詔稱太上天皇日本國志基經誘帝還陽院帝始驚泣年十七世稱二

條院天皇帝稍長嬉戲無度或令宮人緣木而培殺之遜位之後  
極意縱肆常與童子十數人執弓矢遊騁山野或微行入閭里劫

奪廐馬鞭逐主人嘗入左大臣源融別業破壞其牆垣而去又嘗  
捕一女子以琴絃縛之置於水中以為笑樂人聞厭苦之天歷三

年九月不豫落飾已崩於冷泉院年八十二殯於圓覺寺葬神  
樂岡東北置國忌齋於西寺稱陽成院又後宮姉子女王藤原氏

主殿頭遠長女紀氏伴氏佐伯氏子七姉子女王生元長親王元利親王  
藤原氏生元良親王元平親王紀氏生源清蔭伴氏生源清鑿佐

伯氏生源清遠  
光孝天皇

唐書日本傳次光孝直光啟元年

宋史日本傳次光孝天皇年代

日本史光孝天皇諱時康仁明第三子也母贈皇太后藤原氏贈  
太政大臣總繼女天長七年生於六條第承和初為親王十三年  
敘四品嘉祥元年為常陸太守三年為中務卿仁壽元年敘三品  
貞觀六年兼上野太守八年為太宰帥中務卿如故十二年敘二

品十八年爲式部卿元慶四年再兼常陸太守六年正月敘一品  
八年二月乙未藤原基經廢陽成帝臣子廢帝自此始文武臣僚  
扈從參議藤原山陰藤原諸葛阿部清行等畱守太政大臣基經  
與親王公卿定策奉璽鏡劔勸進天皇日本國志基經有廢立意  
密訪諸皇子皇子爭自修  
飾後詣親王第衣服雅素徐  
日何故見過基經服其雅量甲寅卽位於太極殿時年五十五追  
尊皇妣藤原氏爲皇太后太政大臣基經左大臣源融右大臣兼  
左近衛大將源多大納言兼右近衛大將藤原良世並如故夏四  
月天皇始讀文選六月詔百官奏事先諮稟太政大臣基經而後  
奏聞

乙光啟仁和元年日本史春正月癸丑始禁參議以下著貂裘二  
已元月改元夏四月辛巳敕朕以眇身猥承鴻緒膺登用之業有若馭  
奔受光啟之符無忘履薄履薄嚴前王搜羅曩制唯思宵衣是遵肝  
食是勉躬行慈儉人臻富庶而運承澆季風頽俗弊庫藏虛耗經  
用殷繁卿士羣吏受祿稍者旣眾親王源氏賜時服者亦多計會  
征入未供其費商折見用殆過其制夫域中大寶天下至公克己  
惕懷未知攸濟豈有百官闕其祿賜而一人保其羨溢者乎朕之  
服御絹綿二色暫從省減並依舊例庶推損上之誠用存經邦之  
化冬十月辛未敕太宰府禁私買唐物和漢年契敦仁親王生是  
爲醍醐帝

宋史日本傳遣僧宗睿入唐傳教當光啟元年也年代

丙二仁和二年和漢年契基經男時平元服帝爲加冠

丁三仁和三年日本史秋七月辛丑地大震天皇出避紫宸殿南

庭兩京諸司民屋多顛覆壓死者眾是日五畿七道諸國海溢人  
多溺死攝津最甚此後京師地數震八月辛酉大風雨拔樹發屋



內膳司倒兩京廬舍多顛倒壓死者多鴨河葛河溢癸亥太政大臣基經左大臣源融右大臣源多等上表請立皇太子丙寅以皇子源定省爲親王丁卯不豫立定省親王爲皇太子是日崩於仁壽殿年五十八葬葛野郡田邑陵是爲後田邑陵諡光孝天皇世稱小松天皇置國忌於西寺又后王氏諱班子仲野親女御藤原佳美子平等子藤原元善中納言山陰女更衣讚岐氏大判事永直女王氏參議正如女布勢氏多治氏子十九后生是忠親王是貞親王宇多帝源元長讚岐氏生源舊鑿布勢氏生滋水清實又源兼善源名實源篤行源最善源近善源音恆源是恆源貞恆源成蔭源國紀源香泉源友貞僧空性並失母氏

### 宇多天皇

宋史曰林傳次仁和天皇年代

洞院后以貞觀九年五月五日生元慶中加元服任侍從時稱王侍從八年賜姓源朝臣仁和三年秋八月光孝不豫太政大臣基經入奏請建皇嗣帝曰唯公所計基經請立天皇帝大喜急召之左執基經手右執天皇手泣曰大臣輔助恩深汝莫敢忘乃詔爲親王丁卯立爲皇太子是日光孝崩皇太子踐阼於宣耀殿太政大臣基經左大臣源融右大臣兼左近衛大將源多大納言兼右近衛大將藤原良世竝如故冬十一月丙戌卽位於太極殿年二十一尊母班子女王爲皇太夫人庚寅詔萬機巨細皆關白於太政大臣基經關白始此

戊文德 仁和四年日本史春二月丁亥特詔關白基經準三宮日本國志聽乘腰輿入朝秋九月己酉敕巨勢金岡畫弘仁以後能詩者像於御

所南廂障子

己昭宗龍  
西紀元 寬平元年日本史秋七月自六月霖雨洪水兩京飢死

者多冬十月天皇受周易於博士善淵愛成鑄寬平大寶錢和漢  
年契賜平姓於高望王

庚大順  
戊元 寬平二年日本史春正月戊子朔天皇拜天地四方屬星

山陵後為恆例冬十二月庚子太政大臣基經辭關白詔許之

辛亥 寬平三年日本史春正月太政大臣基經薨秋八月庚辰定

修理職官位準中宮職九月戊午禁諸國綱領奸官物及京貫人

庶王臣子孫就姻逐業遂居畿外又禁畿外百姓姦附京畿戶籍

壬景福  
子元 寬平四年

癸二 寬平五年日本史夏四月壬午立敦仁親王為皇太子閏五

月庚午先是新羅海賊程是日下敕太宰府曰當令要務在農勿

令失時自征日田員將之補敕到奉行冬十一月乙酉禁以擬任

諸國郡司者為內外官及補親王家令以下職

甲乾  
寅元 寬平六年日本史夏五月唐使至八月以參議菅原道真

為遣唐大使右少辨紀長谷雄為副使既而止之秋九月甲子對

馬言新羅賊船至戊辰太宰府驛奏新羅寇邊戊寅太宰府驛言

守文屋善友與新羅賊戰大破之獲大將三人副將十一人卒三

百餘人復出雲隱岐烽燧

乙二 寬平七年日本史春二月己酉敕近者囚徒滿獄科決猶遲

或所犯是輕禁錮日久或本罪既重徒斷終身獄官之道理不可

然是以去年十月五日定左右檢非違廳每日行政之狀而猶遲

緩不肯遵行自今以後宜依前敕所行條目每日奏之三月敕王

臣家出舉私物貨民求利天平九年所禁也如聞比年不遵前格

致妨民業因茲租稅難收調庸未進蠹民害政莫甚於斯而國司阿容曾不糾正爲吏之道何其然哉宜一切禁遏若違犯者沒物科罪一如前格夏五月辛未唐使入朝渤海來貢

丙三寬平八年日本史夏四月癸丑禁諸院諸宮王臣家以百姓請託爭訟田宅資財秋九月庚子皇太后二條后藤原氏避位流僧善祐於伊豆以與善祐姦廢也

丁四寬平九年日本史秋七月丙子皇太子加元服是日天皇禪位於皇太子詔大納言兼左近衛大將藤原時平權大納言兼右近衛大將菅原道真輔佐少主參決機務自著書歷舉臣庶賢否國家得失以誠嗣帝曰明賞罰而莫迷愛憎用意平均莫徇好惡能愼喜怒莫形於色訪治於有識求道於六經左大將藤原朝臣功臣之後其年雖少既熟政理新君愼之右大將菅原朝臣鳴儒

深知政事直言不忌朕嚮立東宮唯與朝臣定之且將讓位未果  
朝臣曰事畱變生遂使朕意如金石朝臣非特朕忠臣新君功臣新君愼之季長深熟公事長谷雄博涉經典共大器也莫不進用醍醐帝受禪尊爲太上天皇致書再辭不從稱後太上天皇以別陽成上皇八月徙居東三條院昌泰元年二月遷朱雀院稱朱雀院太上天皇太上天皇敦尙佛法將落髮出家二年十月又辭尊號請單稱朱雀院帝不從是月落飾於仁和寺法名空理灌頂號金剛覺受三歸十善戒於僧益信十一月受戒東大寺頻致書辭尊號帝從之稱曰法皇四年三月營室於仁和寺世稱御室登比叡山謂僧增命曰我幼遊此山心願出家住此終不果既而受聲聞戒於益信今復受菩薩戒於師以遂宿志遂造堂於千光院五年四月受回心戒於增命又受胎藏金剛兩部大法七月致書辭封



戶七年十月初法皇薙髮親臣橘良利者亦披剃號寬蓮法皇既脫屣屢幸比叡石上每遊幸不欲人知之常屏去從衛惟寬蓮一人得從焉帝或命近臣扈從法皇輒避而潛出法皇居於宇多院於亭子院於六條院於中六條院承平元年七月甲辰崩於仁和寺年六十五遺詔以席裏棺以葛約之停任葬司造山陵置國忌列荷前及諸司諸國舉哀素服火葬大山內稱宇多院又稱亭子院天子稱院省尊號自此始帝嘗使畫工圖殷周以來名臣像於紫宸殿障子號賢聖障子即位初語關白基經曰朕無臨馭四海之量願速去位基經陳其不可即委以政事基經既薨乃親庶政後世言政理必稱延喜天祿然帝治世反有上世無為之風帝嘗曰自幼不食生鮮歸心釋門八九歲登比叡山愛慕僧儀自此常遊諸寺十七歲請出家於母后母后曰善然暫更事然後為之猶未暇也結三四月復請猶不肯許後四月先帝登極終不果又曰童稚之日作念不傷生類即位來雖愛鷹鷄不敢貪獲惟助幽閒靜而惟之此亦煩惱薙髮後師僧益信灌頂於東寺既而帝傳法仁和寺仁和寺御室推帝以為宗祖焉又后藤原溫子基經女藤原肩子內大臣高藤女女御橘義子參議廣相女菅原衍子右大臣道真女橘房子更衣源貞子大納言昇女尚侍藤原褒子左大臣時平女藤原氏太和中守繼蔭女王氏參議十世女藤原氏參議有實女子十一肩子生醍醐帝敦慶親王敦固親王敦實親王義子生齊中親王齊世親王齊邦親王褒子生雅明親王載明親王行明親王又行中親王失母氏

醍醐天皇

宋史日本傳次醍醐天皇年代

日本史醍醐天皇諱敦仁初名維城宇多長子也母贈皇太后藤

原胤子仁和元年正月十八日生寬平元年為親王二年更今名  
五年四月立為皇太子九年秋七月丙子加元服受禪於紫宸殿  
癸未尊宇多帝曰太上天皇丙戌即位於太極殿時年十三使大  
納言兼左近衛大將藤原時平權大納言兼右近衛大將菅原道  
真參決政事壬辰追尊所生女御藤原氏曰皇太后己亥尊皇太  
夫人班子女王曰皇太后宇多女御藤原溫子曰皇太夫人

戊光化昌泰元年日本史春二月戊辰始讀羣書治要冬十一月  
丙申朔日南至羣臣表賀大赦覃恩有差

己二昌泰二年日本史冬十月甲戌上皇落髮十一月甲寅先是  
上皇累致書請去尊號至是詔從之

庚三昌泰三年日本史夏四月戊午朔皇太后崩辛酉葬洞院皇  
太后五月己酉太皇太后藤原氏崩六月己巳令文章博士三善  
清行講史記冬十月己亥三善清行上明年辛酉革命諱

辛天復延喜元年日本史春正月戊申貶右大臣兼右近衛大將  
菅原道真為太宰權帥日本國志初宇多欲倚道真以分相門之

論使關白庶政如基經故事道真固辭時道真於朱雀院密召道真  
任知無不言綜理庶政裁決如流眾望其丰采惟時平負氣不  
相下及聞關白密旨益不懌因與源光等共僭道真欲廢帝立其  
壻親王帝震怒下敕貶道真男女廿三人流徙各異處舉國冤之及道  
申敕門者不許通道真男女廿三人流徙各異處舉國冤之及道  
真歿歲多旱災太子又卒世以為崇  
下詔復其爵至今廟食徧於全國秋七月改元八月左大臣藤  
原時平等上三代實錄

壬二延喜二年日本史秋九月有熊入西京傷人

亥三延喜三年

甲天祐延喜四年日本史春二月乙亥立皇子崇象親王為皇太  
子三月丁酉盜射殺前安藝守伴忠行

乙丑 延喜五年日本史夏四月丙午詔大內記友則御書所預紀貫之等撰古今和歌集六月乙酉逮捕博徒冬十月戊子飛驒言盜殺守藤原辰忠

丙寅 延喜六年日本史夏五月戊辰天皇受史記於式部大輔藤原菅根

丁卯 後梁太祖 延喜七年日本史夏六月壬子皇太夫人藤原氏薨冬十一月丙子鑄延喜通寶錢

戊辰 延喜八年日本史夏天下大旱渤海朝貢

己巳 延喜九年 庚午 延喜十年和漢年契夏大旱始行御影供三月廢太后藤原氏薨

辛未 帝乾 延喜十一年日本史冬十一月戊申皇太子改名保明

壬申 延喜十二年 癸酉 延喜十三年 甲戌 延喜十四年日本史春二月壬午詔公卿大夫及諸國司進

讜議盡謀謨六月禁衣服奢靡日本國志帝方勵精求治以連年水旱不登詔求直言式部大輔兼大頭三善清行上封事略曰國朝天險土沃民庶臣服三韓所以能然者國俗敦龐民風忠孝輕賦斂簡徵調上以仁牧下以誠戴上一國之政猶一身之治也爾後教化漸薄法合滋彰賦役日增田疇日荒逮佛身之治故也傾產造寺捨田施僧極於天賦庸調又費五之三矣仁明好奢後房之飾竭帑倍賦又費二之取矣及貞觀中宮殿頻災屢詔修復又費一之半矣古以二十萬兵十神護中有一人二千丁者至貞觀初七十餘人及臣任時僅得九人今聞乃無一人二百五十年来衰弊如此以此推之天下之虛耗可知也臣以為當今要務在張紀綱飭風俗以復物力陛下察萬古興衰宵衣旰食降惠庶荷用臣言太平復見臣謂不難謹陳便宜十二事惟陛下裁之其一請禁奢侈貞元間親王公卿以筑紫當竭誠敬勿徒備故事其二請禁奢修貞元間親王公卿以筑紫

考七 履 闕

絹爲夏衫今史生以白縑爲之婦女婢妾非純綾不服富者以誇  
人貧者恥不及一衣費中人之產一饑破八口之家田畝因是而  
荒盜賊因是而滋望隨階定制諸凡喪葬皆有定則紕其僭忒毋  
許奢靡則自上率下源澄而流清矣其三請修口分田今之豪富  
收兼并之利牧宰抱無用之籍富者連阡陌而不納租貧者無立  
雖無以取調須令計口分田闕實班給所有遺田收爲公田在國  
數必三倍調庸於國有利於民無損其四請復大學學田治國在  
賢得賢在學今至大學爲坎壞之府凍餒之鄉望復學田以養貧  
生又請嚴勅博士公貢舉法專論材藝毋受請託其五請減五節  
獨大判事無襲前朝好內之例其六請增置判事舊制判事六員  
見識書殊非國家仁育黎庶慎重刑章之意也望依舊制六員均  
擇明法律者使俱議科比詳定條章庶無濫獄無冤民其七請均  
給百官四季祿比年官庫乏物唯公卿及出納諸司充給其餘皆  
五六年止給一季料雖事有繁簡官有尊卑然同一從公至於法  
賜宜無差別其八請停諸國吏民越訴以牧宰之重與小吏賤民  
比肩受鞫事雖得白威權已廢知恥之士誰甘爲吏望拘以文法  
除反逆外概令牧令審鞫不發朝使其九請定勘籍人數自三宮  
以下諸王大夫命婦諸司衛府式部兵部二省每歲籍人至三千  
人之多國朝課丁課與羽太宰九國外不滿三十萬而大半無身  
則見丁十餘萬人而已其中歲除三千人未盈四十萬而天下皆爲  
不課之民望年立定額大國十人以次差減載之綱符以爲永式

乙貞明 延喜十五年日本史春二月辛未信濃言盜殺上野介藤  
亥元 原厚載

丙二 延喜十六年日本史秋九月行幸朱雀院試學生冬十月甲  
辰皇太子加元服

丁三 延喜十七年日本史秋九月幸朱雀院召文人賦詩是秋旱

饑羣盜充斥冬十一月丙子朔日南至羣臣表賀大赦覃恩有差自九月不雨京師井涸十二月辛未井泉盡涸京畿屢火

戊四 延喜十八年日本史春三月禁服深紅色

己五 延喜十九年日本史是歲三十五國穀稼不稔

庚六 延喜二十年日本史夏五月渤海朝貢

辛龍德 延喜二十一年

宋史日本傳當此土梁龍德中遣僧寬建等入朝年代紀

案醍醐當梁代非仁德也年代紀繫仁德下誤

壬二 延喜二十二年日本史夏大旱

癸後唐莊宗 延長元年日本史春三月乙未以皇太子疾大赦是

夜皇太子薨夏四月甲子詔復故右大臣菅原道真本官庚午立

改御藤原為皇太子為皇后癸酉立皇孫慶賴王為皇太子閏月乙酉

甲二 延長二年

乙三 延長三年日本史夏六月乙卯皇太子薨冬十月庚辰立皇

子寬明親王為皇太子十一月癸酉官符天下諸國司進風土記

丙明宗天 延長四年

丁二 延長五年日本史冬十二月癸卯左大臣藤原忠平等上延

喜式

戊三 延長六年日本史夏五月使少內記小野道風書漢以來賢

君名臣言行於清涼殿南廂粉壁

己四 延長七年日本史夏五月新羅全州酋甄萱遣使請歸化卻

之

庚長興 延長八年日本史夏四月甲午朔東丹國使至丹後卻之

寅元



秋九月丁卯天皇病大漸壬午天皇讓位於皇太子詔左大臣藤原忠平輔幼主攝政事上尊號曰太上天皇欲遷御朱雀院疾篤不果遷左近衛府曹司法皇幸曹司視疾己丑薙髮號寶金剛是日崩於右近衛府年四十六葬宇治郡山階稱後山階陵遺詔不奉諡葬事從儉約稱醍醐天皇又稱小野帝置國忌齋於西寺天皇勵精圖治哀矜百姓寒夜親脫御衣以省民間凍餒每羣臣奏對必和顏接之嘗曰威嚴外見難為盡言朕每待人必假辭色庶導忠讜以求啟沃是時國家無事民庶安堵世以比仁德帝後之言治者皆稱延喜焉又后藤原穩子基經妃為子內親王女御源和子並光女御藤原仁善子藤原能子並右大臣藤原和香子納言定更衣藤原淑姬參議菅根女源周子右大辨藤原鮮子伊豫介藤原桑子中納言原封子左京大夫滿子女民部大輔原貞子大女藤原氏衡女源氏敏相女子十八后生文鳥太子保明

朱雀天皇

宋史日本傳次天慶天皇年代

日本史朱雀天皇諱寬明醍醐第十一子也母皇后藤原穩子延長元年七月丙寅生於外舅右大臣藤原忠平五條第十一月為親王三年十月立為皇太子八年二月始讀書秋九月壬午受禪於宣耀殿以左大臣兼左近衛大將藤原忠平攝政右大臣兼右近衛大將藤原定方如故尊醍醐曰太上天皇己丑上皇崩冬十

月庚子葬醍醐十一月庚辰天皇卽位於太極殿時年八歲

辛卯承平元年日本史夏四月甲寅改元秋七月甲辰法皇崩九

月五日葬宇多天皇冬十一月辛亥尊醍醐皇后為皇太后

壬辰承平二年

癸巳承平三年日本史春正月庚子以京師多盜敕諸衛結番每

夜巡察冬十月甲午承平四年日本史冬十月己丑定追捕海賊使和

甲午廢帝清泰元年

漢年契藤原純友反

乙未承平五年日本史下總人平將門殺常陸大掾平國香和漢

年契吳越人入貢新羅亡

丙申天福元年承平六年日本史夏六月以從四位下紀淑人為伊豫

守追捕海賊丁酉承平七年日本史春正月丁巳天皇加元服秋九月丁巳敕

諸司官人奉使者病滿百二十日任意淹留無故不上者準恆典

解官但稱親病者搜實量免申嚴深紅色之禁

戊戌天慶元年日本史夏五月地大震戊辰改元壬申大雨河溢

秋八月丁丑地大震

己亥天慶二年日本史春三月太宰府卻還高麗使者夏四月戊

子出羽言俘囚作亂秋八月己酉尾張言盜射殺守共理冬十一

月辛巳天皇始讀史記戊子平將門反執常陸介藤原維幾武藏

權守興世王應之十二月丁未將門陷下野辛亥陷上野略武藏

相模劫國守奪印鑰遂自號新皇建都置百官先是前伊豫掾藤

原純友招集海賊劫掠南海山陽二道至是應將門潛遣人行火

於東西京京師騷擾壬戌藤原純友執備前介藤原高播磨島

於東西京京師騷擾壬戌藤原純友執備前介藤原高播磨島

田惟幹乙丑敕符信濃發兵備境又發東西警固使戒諸衛固三

關

庚子天慶三年日本史春正月官符東海東山二道募勇士其殺

魁帥者賜朱紫田地傳之子孫斬次將以下者隨勳賞之以參議

藤原忠文為征東大將軍辛卯遠江伊豆言賊破駿河岫崎關掠

國分寺執官符使二月甲辰御紫宸殿賜節刀於征東大將軍藤

原忠文討將門三月辛未常陸掾平貞盛下野掾藤原秀卿言將

門伏誅乙亥賞藤原秀卿平貞盛等功進官爵有差日本外史一

氏外史氏曰吾讀舊志見鳥羽帝時數下制符禁諸州武士屬源

平二氏曰大權之歸將門也其在此時歟及讀三善清行封事陳

宿衛豪橫之患乃知制度之弊其來久矣非直始於此也蓋我朝

之初建國也政體簡易文武一途舉海內皆兵而天子為之元帥

大臣大連為之偏裨未嘗別置將帥也豈復有所謂武門武士者

哉故天下無事則已有事則天子必親征伐之勞否則皇子皇后

代之不敢委之臣下也是以大權在上能制服海內施及三韓肅

邊要之國諸郡皆有軍團三分一國之丁而取其一五人為伍伍

二為火火五為隊隊二為旅旅十為團各有首領一火六馬便騎

射者特為騎隊皆由守令簡點備京成邊按簿差遣每舉征伐令

沿道諸國須契救勒合凡征行萬人乃有將軍有副將軍有軍監

有軍曹有錄事每總三軍大將軍一人大將出征必授節刀臨軍

對敵首領不從約束者皆聽專決還日具狀以聞建勳位十二等

論功酬賞而罷其兵凡其器仗藏於兵庫出納以時皆管之於兵

部中朝制兵大略如此雖不及上世之旨其防亂慮禍可謂密矣

是故有事則下尺一之符數十萬兵馬立具而平時散歸卒伍為

之將帥者或自文吏出臨兵陣畢事而歸脫介冑而襲衣冠未嘗

有所謂武門武士者也及藤原氏以外戚世執政權卿相之位非

其族人擬官論品流因習成俗庶僚百揆世其職而將帥之

任每委源平二家於是乎始有武門之稱焉光仁桓武之朝疆場

考七朱雀

察其弊者焉而不窮弊之所由於救之之術蓋已疏矣當是之時源氏有梗命者敕平氏討之平氏有難制者命源氏誅之更相箝制以爲得控馭之術而不知異日搏噬攘奪之禍又基於此敗壞古制苟媮一時皆足以自取困蹙也抑戎事民命所繫而兵食之權不可一日去國先王之必躬親之其旨深矣今委之一二宗族又賤其事而不省至於別其品類不齒之朝廷之上甚則奴僕視之曰是武門耳是武士耳及其論功存賞或恡而不與嗚呼幾何其不相率以自棄於法度之外也特以積威所約抑不敢發爾至於保元平治之際乃乘釁而起潰裂四出不復可收橫流之極終致失其千歲不拔之權而授之嚮所奴僕視者可勝慨哉吾作外史首敘源平二氏未嘗不歎王家之自失其權而國勢之推移有非人力所能維持者因世變以見得失後之憂世者將有以留心焉○平氏出自桓武天皇變以見得失後之憂世者將有以留心原親王幼有才名長而謙謹好讀書史觀古今成敗以自鑒敘四品任式部卿子高見孫高望高望賜姓平氏拜上總介子孫世爲武府將軍國香子曰貞盛材武善射爲左馬允良將子將門性桀驁倚攝政藤原忠平求爲檢非違使忠平不省將門怒去之東國據相馬里劫掠常陸下總時國香爲常陸大掾良兼爲下總介皆與將門有隙承平中將門終攻殺國香將門之在京師也嘗詣敕實親王從兵可五六騎適貞盛亦來謁會將門出門貞盛謂人曰將門必生事天下者今日恨不率士卒即率士卒者當擊殺之至是貞盛棄官而東欲復父仇與良兼及從弟良正共攻將門不利

常陸介藤原維幾取常陸武藏守與世王兇險喜亂往說將門曰關東八州沃饒而四塞可據以霸天下夫取一州誅取八州亦誅誅一耳顧公安所決將門大悅延爲謀主遂攻下野上總武藏相模悉下之弟正平諫曰帝王有命不可妄冀願熟圖之將門曰天縱我以武吾取帝位孰能拒之乃建僞宮於下總猿島置文武百官初將門與藤原純友者友善嘗同登比叡山俯瞰皇城曰壯哉大丈夫不當宅此耶遂與謀反謂純友曰他日得志吾王族當爲天子公藤原氏能爲我關白乎至是純友爲伊豫掾任滿不還據海島爲盜以遙應將門潛遣人入京師行火坊市京師戒嚴時天慶二年也三年朝廷拜參議藤原忠文爲征東大將軍率諸將東伐發東海東山兵募以重賞而任貞盛常陸掾發兵討將門將門聞之率兵索貞盛於常陸不得乃散其眾獨以千餘人至下野下野有押領使藤原秀卿世爲大族及將門起兵往見之將門方梳髮捉髻而出款接之命食共飯粒墮前拾而食之秀卿知其輕率不足與有爲也乃從貞盛貞盛窺將門無備與秀卿合兵四千餘人急襲之將門遠出拒之大敗貞盛乘勝疾攻將門欲誘之險阻走據島嶼山貞盛火其營大戰於山北將門以見兵四百騎死鬪貞盛麾兵蹙之將門獨身出走貞盛叱咤追馳射中其右額墮馬秀卿斬其首興世王以下悉伏誅梟於京獄八州皆定而純友尋平忠文等皆途還貞盛以功敘從五位上後遷從秋八月乙卯四位下任鎮守府將軍兼陸奥守世呼曰平將軍

徵近江兵討海賊已未讚岐阿波言賊掠讚岐伊豫焚備後舟讚

岐介藤原國風奔淡路是月風雨穀不登民庶大飢冬十月甲寅  
安藝周防言純友陷太宰府

辛六天慶四年日本史夏五月戊寅征南海賊使小野好古奏賊  
劫掠太宰府以參議藤原忠文爲征西大將軍討之秋七月乙丑  
先是伊豫警固使橘遠保獲純友誅之是日傳首京師九月癸亥  
追討兇賊使源經基獲賊魁桑原生行丙子備前馳驛奏賊藤原  
文元三善文公等作亂己卯播磨馳驛奏獲三善文公冬十一月  
甲子以藤原忠平爲關白

壬七天慶五年日本史春三月戊辰詔公卿大夫內外五位以上  
官長秀才明經及第儒生各上封事陳時政得失夏四月行幸賀  
茂社奉神寶走馬賽賊平賀茂行幸始於此冬十一月出雲言新  
羅舟七隻至隱岐

卯天慶六年日本史夏五月甲辰遣復故麻太戶藤原氏  
甲出帝開天慶七年日本史春二月己酉盜殺美濃介橘遠保夏  
辰運元

四月甲子立皇弟成明親王爲皇太弟  
乙二天慶八年日本史秋七月先是民間訛言志多羅神入京至  
是人民數百奉神輿到攝津豐島郡歌舞徹旦八月丙寅石清水  
三綱等言有神輿自攝津島上郡至庶民奉幣帛歌舞圍繞者數  
千萬人

丙三天慶九年日本史夏四月庚辰天皇讓位於皇太弟謙讓不  
受太上天皇尊號村上帝固請乃聽之秋七月徙居朱雀院數幸  
嵯峨醍醐大井河宇治東山遊獵芹河野栗隈野或召文人詩酒  
歡娛或御別宮觀騎射天祿六年三月薙髮法名佛陀壽四月遷  
仁和寺本院八月戊戌崩年三十遺詔停任葬司起山陵故事嗣



帝非大行天皇子則不赦是時特用文獻太子例大赦天下火葬  
來定寺北野藏御骨於後山階陵側不置國忌列荷前稱朱雀院  
天皇政尚寬仁議者以為過寬藤原忠平嘗從容奏聞天皇曰朕  
聞之先帝公之先人嘗言政如張琴大絃急則小絃絕朕若嚴急  
下民何堪又女御熙子女王文獻太子藤原慶子太政大臣  
實賴女

村上天皇

宋史日本傳次村上天皇當此土周廣順年也年代

日本史村上天皇諱成明醍醐第十四子朱雀同母弟也延長四  
年六月丁亥生十一月為親王天慶三年冠敘三品五年拜上野  
太守六年為太宰帥七年四月立為皇太弟九年夏四月庚辰受  
禪於承香殿壬午遷御綾綺殿關白太政大臣忠平右大臣兼左  
近衛大將藤原實賴大納言兼右近衛大將藤原師輔並加收兩  
成尊朱雀帝曰太上天皇尊皇太后曰太皇太后戊子自位於太

極殿時年二十一

丁後漢高祖天麻元年日本史春二月庚午伯耆言藤原是助率  
兵四百餘焚民舍甲戌鎮守府將軍平貞盛奏賊坂麻呂作亂討  
平之三月甲寅以太政官奏請減五位以上封祿四分之一夏四  
月丁丑改元六月甲寅朔課試醫道學生是歲疱瘡流行民庶多  
天和漢年契建管神祠於北野

戊乾祐天麻二年日本史春二月京師盜賊橫行入右近衛府曹  
司夏四月赦諸衛嚴備盜賊秋七月大雨八月庚子日月並見是  
歲二十五國損田

己二天麻三年日本史秋八月乙酉以關白太政大臣忠平疾大  
赦天下是日忠平薨九月庚申陽成上皇不豫薙髮己巳晦上皇

崩冬十二月壬申葬陽成

庚三天麻四年日本史秋七月庚辰以皇子憲平為親王戊子立

憲平親王為皇太子九月庚寅詔曰望五雲而穿眼汾水之遊不

歸攀九霞而摧心荆岫之駕彌遠九月者先帝昇遐之月也故九

日之節廢而經年丹茱無驗徒傳禦寒之芳黃菊失時空綴泣露

之萼朕之長恨千秋無窮爰念洛水春遊昔日闍筆商飈秋宴今

時卷筵鹿鳴再停人心不樂詞客才子漸吞吟詠之聲詩境文場

已為寂寥之地孔子曰文王既沒文不在茲乎宜開良讌於十月

之首以翫餘芳於五美之叢凡厥儀式一準重陽冬十月壬寅置

殘菊節明年以後定為五日

辛周太祖天麻五年日本史冬十月置和歌所以左近衛少將藤

原尹尹為別當合讚枝權系大中臣能宣等撰後撰印歌集

崩癸卯葬朱雀

癸三天麻七年

宋史日本傳天中元啟龍德及周廣順中皆嘗遣僧至中國年代

載唐書五代史失其傳唐咸亨中及開元二十三年大麻十二年

建中元年皆來朝貢其記不載

甲世宗顯天麻八年日本史春正月己卯太皇太后藤原氏崩乙

亥德元西葬太皇太后三月乙酉改冷然院為冷泉院秋七月己亥救夫

內記菅原文時等上封事言闕政是歲盜殺駿河益頭郡司伴成

正判官代永康忠藤

乙二天麻九年日本史春正月甲戌太皇太后周忌天皇親寫法

華經修八講於弘徽殿禁中八講始於此冬十一月乙未朔日南

至大赦覃恩有差是歲盜殺駿河介橘忠幹和漢年契以營丞相  
諡天滿大神

丙三天祿十年日本史秋八月壬申先是羣臣奏請減封祿不許  
九月丁巳敕權減羣臣封祿十分之二

丁四天德元年日本史秋七月乙巳吳越持禮使盛德言來是歲  
穀價騰貴運近國不動穀於穀倉院置常平所

戊五天德二年日本史春三月丙午廢延喜通寶錢鑄乾元大寶  
冬十月甲辰立女御藤原安子爲皇后

己六天德三年日本史春正月戊午吳越持禮使盛德言來三月  
戊午感神院與清水寺爭鬪遣檢非違使禁止秋八月己丑御清

涼殿詩合置酒張樂是歲民間多患頭腫世謂福來病

庚宋太祖天德四年日本史春三月己巳海御清涼殿夜禁置酒  
彈樂大司已賜物有禁禁中歌合如於此九月庚辰夜禁置酒

宜陽殿累代重器溫明殿大刀節刀契印春興安福二殿戎器內  
記所文書仁壽殿太乙式盤至此蕩盡天皇避火神嘉殿又遷太

政官朝所遂遷職曹司皇太子從焉天皇召左大臣藤原實賴詔  
曰朕以不德久居尊位遭此災殃憂歎無極辛酉廢務三日唯終

讀經修法於八雀院左近衛大將曹司使左近衛中將源重光等  
索所失重器得神鏡於燼中形質無損韞之大藏省韓櫃奉安縫

殿寮丙寅晦勸學院火冬十月庚午夜有鬼火徧滿京師辛未大  
學寮火乙亥大索京師十一月庚子遷御冷泉院皇太子從庚戌

京師多盜使檢非違使禁諸寮官人夜行

辛二應和元年日本史春正月庚子敘位用是日著爲恆典二月

庚辰改元大赦天下三月戊戌親試文章生冬十一月丁卯供養

萬僧庚辰宮成徙御

壬三 應和二年日本史冬十一月辛巳給東西京綿布

癸乾德 應和三年日本史春二月辛亥皇太子加元服秋八月庚

亥元 子講法華經於清涼殿使南都北嶺僧各論宗義

甲二 康保元年日本史夏四月甲戌改元皇后藤原氏崩五月壬

子 午葬皇后是歲栽櫻於紫宸殿

乙三 康保二年日本史春正月戊戌栽橘於紫宸殿秋七月壬申

雅樂寮火樂器悉焚八月庚戌使橘仲遠講日本紀冬十月己未

行幸朱雀院柏梁殿觀左右馬寮騎皇太子從馬召文臣四十人

獻詩親試擬文章生詩王卿以下恩賜有差癸亥兵庫火累代戎

器悉焚

丙四 康保四年日本史秋七月癸丑天皇崩於清涼殿年四十一

卯 遣詔不置國忌山陵葬於葛野郡村上山陵置守陵五戶稱村上

天皇帝天資明敏夙好文學其在藩邸使近臣選近代名文者十

人律詩名曰日觀集御製詩文閒傳於世好詠和歌最喜琵琶寬

裕溫恕嘗問侍臣曰外議以朕為何如主侍臣應曰天下皆稱寬

帝曰上若嚴酷下何堪命嘗御紫宸殿見一老吏問曰當世之政

孰與延喜吏畏縮不言帝頻問不措吏曰方今太平無復庸議唯

主殿寮多進松明率分堂生草蓋謂劇務至夜歲貢少輸也帝有

愧色時論謂德亞醍醐日本國志惟通帝后妹之為帝兄妃者還

匡正 又后藤原安子左大臣師輔女女御藤原速子太政大臣實賴女徽子女王

之 式部卿重 莊子女王中務卿代藤原芳子左大臣師尹女更衣源計子中

明親王女 明親王女 藤原正妃左大臣在衡女尚侍藤原登子后同子

言庶 藤原祐姬大納言方女藤原正妃左大臣在衡女尚侍藤原登子后同子

九后生冷泉帝圓融帝為平親王莊子生具平親王祐姬生廣平親王正妃生致平親王昭平親王芳子生昌平親王永平親王

### 冷泉天皇

宋史日本傳次冷泉天皇今為太上天皇年代

日本史冷泉天皇諱憲平村上第二子也母皇后藤原安子天祿四年五月辛酉生於丹後守藤原遠規家七月為親王居外祖左大臣師輔第立為皇太子應和三年二月冠康保元年七月加封五百戶五月癸丑村上帝崩即夜羣臣詣襲芳舍奉劔璽於皇太子皇太子踐阼左大臣藤原實賴右大臣兼左近衛大將源高明大納言兼右近衛大將藤原師尹並如故六月辛酉葬村上己卯以左大臣藤原實賴為關白大藏卿源盛明為親王秋九月丙戌朔立皇弟守平親王為皇太子守平親王為皇太子故不御太極殿即位紫宸殿始於此十一月癸丑追尊后曰皇太后十二月丁卯以左大臣實賴為太政大臣關白仍舊

戊開寶安和元年日本史夏五月洪水河溢六月丁巳帝弗豫命

辰元關白實賴覽官奏秋八月丙寅改元

己巳安和二年日本史春三月癸卯左馬助源滿仲前武藏介藤原善時告中務少輔橘繁延等謀反貶左大臣兼左近衛大將源

高明為太宰權帥夏四月戊申朔流橘繁延於土佐日本國志有

謀廢立者帝不之信諸藤原氏矯詔討之悉處罪京師大擾是為安和之變己酉流前相模權介藤原

千晴於隱岐秋八月戊子天皇讓位於皇太弟徙御弘徽殿帝容

止閑都似村上帝然自為儲貳多病時或發狂后妃嬪御近侍者

皆疑懼不自安一時欲視神璽獨入臥內方啟函藏人頭藤原兼



家排闥突入奪之讓位後疾遂不瘳遷居冷泉院上尊號曰太上天皇天祿元年四月冷泉院火徙居朱雀院河內前司重通家在西京門前泥瀆施板通路有老翁露頂褰裳將踏板而過重通尙幼戲蹴撼其板翁顛仆地藏人二人自後來扶起而去問之則上皇也寬弘五年十二月還居冷泉南院八年不豫及至大漸藤原道長入侍上皇忽發聲而歌道長驚而去三條帝屢欲侍疾道長奏狀以故而止十月癸亥崩於南院年六十二火葬櫻本寺前野藏御骨於山側稱冷泉院又后昌子朱雀女藤原懷子太政大臣伊尹女藤原超子關白兼家女女御藤原怱子右大臣師輔女子四懷子生華山帝超子生三條帝爲尊親王敦道親王

日本源流考卷七

臣王先謙撰集

圓融天皇

宋史日本傳次守平天皇卽今王也凡六十四世年代紀日本史圓融天皇諱守平村上第五子冷泉同母弟也天德三年三月丁未生十月爲親王康保三年八月始讀孝經四年九月冷泉踐阼立爲皇太弟安和二年八月戊子受禪於襲芳舍立皇姪師貞親王爲皇太子詔太政大臣實賴攝政左大臣兼左近衛大將藤原師尹右大臣藤原在衡大納言兼右近衛大將藤原伊尹如故庚子尊冷泉帝曰太上天皇追尊皇太后曰太皇太后九月甲子遷御清涼殿丁卯卽位於太極殿時年十一

庚三 天祿元年日本史春三月丙寅改元大赦夏五月戊午攝政